

大般若波羅蜜多經卷第四百四十七

唐三藏法師玄奘奉 詔譯

第二分真如品第五十二之二

爾時欲色界天眾復白佛言。世尊。大德善現佛真弟子。隨如來生。所以者何。大德善現諸所說法。一切皆與空相應故。爾時善現告欲色界諸天眾言。汝諸天眾。說我善現佛真弟子。隨如來生。云何善現隨如來生。謂隨如來真如生故。所以者何。如來真如無來無去。善現真如亦無來去。故說善現隨如來生。如來真如。卽一切法真如。一切法真如。卽如來真如。如是真

如無眞如性。亦無不眞如性。善現眞如。亦復如是。故說善現隨如來生。如來眞如。常住爲相。善現眞如。亦復如是。故說善現隨如來生。如來眞如。無變異。無分別。遍諸法轉。善現眞如。亦復如是。故說善現隨如來生。如來眞如。無所罣礙。一切法眞如。亦無所罣礙。若如來眞如。若一切法眞如。同一眞如。無二無別。無造無作。如是眞如。常眞如相。無時非眞如相。以常眞如相。無時非眞如相。故無二無別。善現眞如。亦復如是。故說善現隨如來生。如來眞如。於一切處無憶念。無分別。善現眞如。亦復如是。故說善現隨如來生。如來

真如無別異不可得。善現真如亦復如是。故說善現隨如來生。如來真如不離一切法真如。一切法真如不離如來真如。如是真如常真如相無時非真如相。善現真如亦復如是。故說善現隨如來生。雖說隨生而無所隨生。以善現真如不異佛故。如來真如非過去。非未來。非現在。一切法真如亦非過去。非未來。非現在。善現真如亦復如是。故說善現隨如來生。過去真如。卽如來真如。如來真如。卽過去真如。未來真如。卽如來真如。如來真如。卽未來真如。現在真如。卽如來真如。如來真如。卽現在真如。若過去真如。若未來

真如。若現在真如。若如來真如。同一真如。無二無別。  
色真如。卽如來真如。如來真如。卽色真如。受想行識  
真如。卽如來真如。如來真如。卽受想行識真如。若色  
真如。若受想行識真如。若如來真如。同一真如。無二  
無別。眼處真如。卽如來真如。如來真如。卽眼處真如。  
耳鼻舌身意處真如。卽如來真如。如來真如。卽耳鼻  
舌身意處真如。若眼處真如。若耳鼻舌身意處真如。  
若如來真如。同一真如。無二無別。色處真如。卽如來  
真如。如來真如。卽色處真如。聲香味觸法處真如。卽  
如來真如。如來真如。卽聲香味觸法處真如。若色處

真如。若聲香味觸法處真如。若如來真如。同一真如。  
無二無別。眼界真如。卽如來真如。如來真如。卽眼界  
真如。耳鼻舌身意界真如。卽如來真如。如來真如。卽  
耳鼻舌身意界真如。若眼界真如。若耳鼻舌身意界  
真如。若如來真如。同一真如。無二無別。色界真如。卽  
如來真如。如來真如。卽色界真如。聲香味觸法界真  
如。卽如來真如。如來真如。卽聲香味觸法界真如。若  
色界真如。若聲香味觸法界真如。若如來真如。同一  
真如。無二無別。眼識界真如。卽如來真如。如來真如。  
卽眼識界真如。耳鼻舌身意識界真如。卽如來真如。

如來真如。卽耳鼻舌身意識界真如。若眼識界真如。  
若耳鼻舌身意識界真如。若如來真如。同一真如。無  
二無別。眼觸真如。卽如來真如。如來真如。卽眼觸真  
如。耳鼻舌身意觸真如。卽如來真如。如來真如。卽耳  
鼻舌身意觸真如。若眼觸真如。若耳鼻舌身意觸真  
如。若如來真如。同一真如。無二無別。眼觸爲緣所生  
諸受真如。卽如來真如。如來真如。卽眼觸爲緣所生  
諸受真如。耳鼻舌身意觸爲緣所生諸受真如。卽如  
來真如。如來真如。卽耳鼻舌身意觸爲緣所生諸受  
真如。若眼觸爲緣所生諸受真如。若耳鼻舌身意觸

爲緣所生諸受真如。若如來真如。同一真如。無二無別。我真如。卽如來真如。如來真如。卽我真如有情命者。生者養者。士夫補特伽羅。意生儒童。作者受者。知者見者。真如。卽如來真如。如來真如。卽有情乃至見者真如。若我真如。若有情乃至見者真如。若如來真如。同一真如。無二無別。布施波羅蜜多真如。卽如來真如。如來真如。卽布施波羅蜜多真如。淨戒安忍精進靜慮般若波羅蜜多真如。卽如來真如。如來真如。卽淨戒乃至般若波羅蜜多真如。若布施波羅蜜多真如。若淨戒乃至般若波羅蜜多真如。若如來真如。

同一真如。無二無別。內空真如。卽如來真如。如來真如。卽內空真如。外空。內外空。空空。大空。勝義空。有爲空。無爲空。畢竟空。無際空。散無散空。本性空。自共相空。一切法空。不可得空。無性空。自性空。無性自性空。真如。卽如來真如。如來真如。卽外空乃至無性自性空真如。若內空真如。若外空乃至無性自性空真如。空真如。若內空真如。同一真如。無二無別。真如真如。卽如來真如。如來真如。卽真如真如。法界法性。不虛妄性。不變異性。平等性。離生性。法定法住。實際。虛空界。不思議界真如。卽如來真如。如來真如。卽法界乃至不思

議界真如。若真如真如。若法界乃至不思議界真如。  
若如來真如。同一真如。無二無別。苦聖諦真如。卽如  
來真如。如來真如。卽苦聖諦真如。集滅道聖諦真如。  
卽如來真如。如來真如。卽集滅道聖諦真如。若苦聖  
諦真如。若集滅道聖諦真如。若如來真如。同一真如。  
無二無別。四念住真如。卽如來真如。如來真如。卽四  
念住真如。四正斷。四神足。五根五力。七等覺支。八聖  
道支真如。卽如來真如。如來真如。卽四正斷乃至八  
聖道支真如。若四念住真如。若四正斷乃至八聖道  
支真如。若如來真如。同一真如。無二無別。四靜慮真

如。卽如來真如。如來真如。卽四靜慮真如。四無量四無色定真如。卽如來真如。如來真如。卽四無量四無色定真如。若四靜慮真如。若四無量四無色定真如。若如來真如。同一真如。無二無別。八解脫真如。卽如來真如。如來真如。卽八解脫真如。八勝處。九次第定。十遍處真如。卽如來真如。如來真如。卽八勝處。九次第定。十遍處真如。若八解脫真如。若八勝處。九次第定。十遍處真如。若如來真如。同一真如。無二無別。空解脫門真如。卽如來真如。如來真如。卽空解脫門真如。無相無願解脫門真如。卽如來真如。如來真如。卽

無相無願解脫門真如。若空解脫門真如。若無相無願解脫門真如。若如來真如。同一真如。無二無別。三乘十地真如。卽如來真如。如來真如。卽三乘十地真如。菩薩十地真如。卽如來真如。如來真如。卽菩薩十地真如。若三乘十地真如。若菩薩十地真如。若如來真如。同一真如。無二無別。五眼真如。卽如來真如。如來真如。卽六神通真如。若五眼真如。若六神通真如。若如來真如。同一真如。無二無別。佛十力真如。卽如來真如。如來真如。卽佛十力真如。四無所畏。四無礙解。

大慈大悲。大喜大捨。十八佛不共法真如。卽如來真如。如來真如。卽四無所畏乃至十八佛不共法真如。若佛十力真如。若四無所畏乃至十八佛不共法真如。若如來真如。同一真如。無二無別。三十二大士相真如。卽如來真如。如來真如。卽三十二大士相真如。八十隨好真如。卽如來真如。如來真如。卽八十隨好真如。若三十二大士相真如。若八十隨好真如。同真如。無二無別。無忘失法真如。恒住捨性真如。卽如來真如。如來真如。卽無忘失法真如。恒住捨性真如。卽如來真如。如來真如。卽恆住捨性真如。若無忘失法

真如。若恆住捨性真如。若如來真如。同一真如。無二無別。陀羅尼門真如。卽如來真如。如來真如。卽陀羅尼門真如。三摩地門真如。卽如來真如。如來真如。卽三摩地門真如。若陀羅尼門真如。若三摩地門真如。若如來真如。同一真如。無二無別。預流果真如。卽如來真如。如來真如。卽預流果真如。一來不還阿羅漢果。獨覺菩提真如。卽如來真如。如來真如。卽一來果。乃至獨覺菩提真如。若預流果真如。若一來果乃至。獨覺菩提真如。若如來真如。同一真如。無二無別。一切菩薩摩訶薩行真如。卽如來真如。如來真如。卽一

切菩薩摩訶薩行真如。諸佛無上正等菩提真如。卽如來真如。如來真如。卽諸佛無上正等菩提真如。若一切菩薩摩訶薩行真如。若諸佛無上正等菩提真如。若如來真如。同一真如。無二無別。一切智真如。卽如來真如。如來真如。卽一切智真如。道相智。一切相智。真如。卽如來真如。如來真如。卽道相智。一切相智。真如。若一切智真如。若道相智。一切相智。真如。若如來真如。同一真如。無二無別。天眾當知。諸菩薩摩訶薩。現證如是一切法真如。說名如來應正等覺。我於如是諸法真如。能深信解。故說善現從如來生。當說。

如是真如相時。於此三千大千世界。諸山大地。六種變動。東涌西沒。西涌東沒。南涌北沒。北涌南沒。中涌邊沒。邊涌中沒。爾時欲界色界天眾復以天上旃檀香末多揭羅香末多摩羅香末及以天上喎鉢羅花鉢特摩花拘某陀花奔荼利花奉散如來及善現上而白佛言甚奇如來未會有也大德善現由真如故隨如來生爾時具壽善現便謂諸天眾言諸天當知然我善現不由色故隨如來生不由色真如故隨如來生不離色故隨如來生不離色真如故隨如來生不由受想行識故隨如來生不由受想行識真如故

隨如來生。不離受想行識故隨如來生。不離受想行識真如故隨如來生。如是乃至不由一切智故隨如來生。不由一切智真如故隨如來生。不離一切智故隨如來生。不離一切智真如故隨如來生。不由道相智一切相智故隨如來生。不由道相智一切相智真如故隨如來生。不離道相智一切相智故隨如來生。不離道相智一切相智故隨如來生。不離道相智一切相智真如故隨如來生。不由有爲故隨如來生。不離有爲真如故隨如來生。不由無爲故隨如來生。不離無爲真如故隨如來生。不由無爲故隨如來生。不離無爲真如故隨如來生。不由無爲

故隨如來生。不離無爲眞如。故隨如來生。何以故。諸天眾是一切法都無所有。諸隨生者。若所隨生。由此隨生。隨生時處。皆不可得。爾時舍利子白佛言。世尊。諸法真如。法界。法性。不虛妄性。不變異性。平等性。離生性。法定。法住。實際。虛空界。不思議界。皆最甚深。謂於此中色不可得。色真如亦不可得。何以故。此中色尚不可得。況有色真如可得。此中受想行識不可得。受想行識真如亦不可得。何以故。此中受想行識尙不可得。況有受想行識真如可得。如是乃至此中一切智不可得。一切智真如亦不可得。何以故。此中一

切智尙不可得。況有一切智真如可得。此中道相智一切相智不可得。道相智一切相智真如亦不可得。何以故。此中道相智一切相智尙不可得。況有道相智一切相智真如可得。佛言。舍利子。如是如是。如汝所說。諸法真如乃至不思議界。皆最甚深。所謂此中色不可得。色真如亦不可得。何以故。此中色尙不可得。況有色真如可得。如是乃至此中一切相智不可得。一切相智真如亦不可得。何以故。此中一切相智尙不可得。況有一切相智真如可得。當說如是真如相時。二百苾芻。諸漏永盡。心得解脫。成阿羅漢。復有

五百苾芻尼眾。遠塵離垢。於諸法中生淨法眼。五千菩薩生天人中。得無生忍。六千菩薩諸漏永盡。心得解脫。成阿羅漢。爾時佛告舍利子言。今此眾中六千菩薩已於過去親近供養五百諸佛。一一佛所發弘誓願。正信出家。雖修布施淨戒安忍精進靜慮。而不攝受般若波羅蜜多。遠離方便善巧。起別異想。行別異行。修布施時。作如是念。此是布施。此是施物。此是受者。我能行施。修淨戒時。作如是念。此是淨戒。此是罪業。此所護境。我能持戒。修安忍時。作如是念。此是安忍。此是忍障。此所忍境。我能安忍。修精進時。作如

是念。此是精進。此是懈怠。此是所爲。我能精進。修靜慮時。作如是念。此是靜慮。此是散動。此是所爲。我能修定。彼不攝受般若波羅蜜多。遠離方便善巧。依別異想。而行布施淨戒。安忍精進。靜慮別異之行。由別異想別異行故。不得菩薩無別異想。及失菩薩無別異行。由此因緣。不得入菩薩正性離生位。由不得入菩薩正性離生位。故得預流果。漸次乃至阿羅漢果。是故舍利子。若菩薩摩訶薩。雖有菩提道。及有空無相無願解脫門。而不攝受般若波羅蜜多。及遠離方便善巧。便證實際。墮於聲聞。或獨覺地。爾時具壽舍

利子復白佛言。世尊。何因緣故。有聲聞乘。或獨覺乘。  
補特伽羅修空無相無願之法。不攝受般若波羅蜜。  
多遠離方便善巧。便證實際。墮於聲聞或獨覺地。有  
菩薩乘。補特伽羅修空無相無願之法。攝受般若波  
羅蜜多。依方便善巧。雖證實際。而趣無上正等菩提。  
佛言。舍利子。諸聲聞乘或獨覺乘。補特伽羅遠離一  
切智智心。不攝受般若波羅蜜多。無方便善巧故。修  
空無相無願之法。便證實際。墮於聲聞或獨覺地。諸  
菩薩乘。補特伽羅。不離一切智智心。攝受般若波羅  
蜜多。依方便善巧。大悲心爲上首。修空無相無願之

法雖證實際。而能入菩薩正性離生位。能證無上正等菩提。舍利子。譬如。有鳥。其身長大。百踰繕那。或復二百。或復三百。踰繕那量。而無有翅。是鳥。或從三天投身而下。趣瞻部洲。於其中路。復作是念。我欲還上三十三天。舍利子。於汝意云何。是鳥能還三天不。舍利子言。不也。世尊。不也。善逝。佛告舍利子。是鳥中路。或作是願。至瞻部洲。當令我身無損無惱。舍利子。於汝意云何。是鳥所願。可得遂不。舍利子言。不也。世尊。不也。善逝。是鳥至此瞻部洲時。其身決定。有損有惱。或致命終。或鄰死苦。何以故。是鳥身大。從

遠而墮無有翅故。佛言舍利子。如是如是。如汝所說。  
舍利子。有菩薩乘補特伽羅。亦復如是。雖經無量無  
數大劫。勤修布施淨戒安忍。精進靜慮。亦修般若。求  
趣無上正等菩提。而不攝受般若波羅蜜多。遠離方  
便善巧。修空無相無願之法。便證實際。墮於聲聞或  
獨覺地。何以故。舍利子。是菩薩乘補特伽羅。遠離一  
切智智心。雖經無量無數大劫。勤修布施淨戒安忍。  
精進靜慮。亦修般若。而不攝受般若波羅蜜多。遠離  
方便善巧。遂墮聲聞或獨覺地。舍利子。是菩薩乘補  
特伽羅。雖念過去未來現在諸佛世尊所有戒蘊定。

蘊慧蘊解脫蘊解脫智見蘊恭敬供養隨順修行而於其中執取相故不能正解是諸如來應正等覺所有戒蘊定蘊慧蘊解脫蘊解脫智見蘊圓滿功德是諸菩薩不能正解佛功德故雖聞無上正等覺道及空無相無願法聲而依此聲執取其相執取相已迴向無上正等菩提此菩薩乘補特伽羅如是迴向不得無上正等菩提墮於聲聞或獨覺地何以故舍利子是菩薩乘補特伽羅由不攝受般若波羅蜜多及遠離方便善巧故雖以種種所修善根迴向無上正等菩提而墮聲聞或獨覺地復次舍利子有菩薩乘

補特伽羅。從初發心。常不遠離一切智智心。大悲爲上首。勤修布施淨戒安忍精進靜慮。亦修妙慧攝受。般若波羅蜜多。常不遠離方便善巧。雖念過去未來。現在諸佛世尊所有戒蘊定蘊慧蘊解脫蘊解脫智見蘊而不取相。雖修空無相無願解脫門。亦不取相。雖念自他種種功德。與諸有情平等共有。迴向無上正等菩提。亦不取相。舍利子。當知如是住菩薩乘補特伽羅。直趣無上正等菩提。不墮聲聞及獨覺地。何以故。舍利子。是菩薩乘補特伽羅。從初發心乃至究竟。常不遠離一切智智心。於一切時。大悲爲上首。雖

修布施淨戒安忍精進靜慮亦修般若而不取相雖念過去未來現在諸佛世尊所有戒蘊定蘊慧蘊解脫蘊解脫智見蘊亦不取相雖修無上正等覺道及空無相無願之法亦不取相舍利子是菩薩乘補特伽羅有方便善巧故以離相心修行布施淨戒安忍精進靜慮及修般若波羅蜜多如是乃至以離相心修行一切智道相智一切相智由斯定證所求無上正等菩提爾時舍利子白佛言世尊如我解佛所說義者若菩薩摩訶薩從初發心乃至究竟攝受般若波羅蜜多常不遠離方便善巧是菩薩摩訶薩鄰近

無上正等菩提。所以者何。是菩薩摩訶薩從初發心乃至究竟。都不見有少法可得。謂若能證。若所證。若證處。若證時。若由此證。都不可得。所謂若色。若受。想行識。如是乃至若一切智。若道相智。一切相智。都不可得。復次世尊。有菩薩乘諸善男子。善女人等。不攝受。般若波羅蜜多。遠離方便善巧。而求無上正等菩提。當知彼於所求無上正等菩提。疑惑猶豫。或得不得。所以者何。是菩薩乘諸善男子。善女人等。不攝受般若波羅蜜多。遠離方便善巧故。於所修行布施淨戒。安忍精進靜慮。般若波羅蜜多。皆取其相。如是乃

至於所修行一切智道相智。一切相智皆取其相。由此因緣是菩薩乘諸善男子善女人等皆於無上正等菩提疑惑猶豫或得不得是故世尊若菩薩摩訶薩欲證無上正等菩提決定不應遠離般若波羅蜜多方便善巧是菩薩摩訶薩安住般若波羅蜜多方便善巧用無所得而爲方便以無相俱行心應修布施波羅蜜多應修淨戒安忍精進靜慮般若波羅蜜多如是乃至以無相俱行心應修一切智應修道相智一切相智若菩薩摩訶薩安住般若波羅蜜多方便善巧用無所得而爲方便以無相俱行心修行如

是一切佛法。必獲無上正等菩提。爾時欲界色界天眾俱白佛言。諸佛無上正等菩提。極難信解。甚難證得。所以者何。諸菩薩摩訶薩。於一切法自相共相。皆應證知。乃能獲得所求無上正等菩提。而諸菩薩摩訶薩眾。所知法相。都無所有。皆不可得。爾時佛告諸天眾言。如是如是。如汝所說。諸佛無上正等菩提。極難信解。甚難證得。諸天當知。我亦現覺一切法相。證得無上正等菩提。而都不得勝義法相可說。名爲此是能證。此是所證。此是證處。此是證時。由此而證。所以者何。以一切法畢竟淨故。有爲無爲畢竟空故。由

斯無上正等菩提極難信解。甚難證得。爾時具壽善現白佛言。世尊。如佛所說諸佛無上正等菩提。極難信解。甚難證得。如我思惟佛所說義。諸佛無上正等菩提。極易信解。甚易證得。所以者何。若能信解。無法能證。無法所證。無有證處。無有證時。亦無由此而有所證。則能信解諸佛無上正等菩提。若有證知。無法能證。無法所證。無有證處。無有證時。亦無由此而有所證。則能證得。所求無上正等菩提。何以故。以一切法皆畢竟空。畢竟空中。都無有法可名能證。可名所證。可名證處。可名證時。可名由此而有所證。所以者。

何以一切法性相皆空。若增若減。都無所有。皆不可得。由此因緣。諸菩薩摩訶薩常所修行布施淨戒安忍精進靜慮般若波羅蜜多。都無所有。皆不可得。如是乃至一切智道相智一切相智。都無所有。皆不可得。諸菩薩摩訶薩所觀諸法。若有色。若無色。若有見。若無見。若有對。若無對。若有漏。若無漏。若有爲。若無爲。都無所有。皆不可得。由此因緣。我思惟佛所說義趣。諸佛無上正等菩提。極易信解。甚易證得。諸菩薩摩訶薩不應於中謂難信解及難證得。所以者何。色色自性空。受想行識。受想行識自性空。如是乃至一

切智。一切智自性空。道相智。一切相智。道相智。一切相智。自性空。若菩薩摩訶薩。能於如是自性空義。深生信解。無倒而證。便得無上正等菩提。時舍利子語善現言。由此因緣。諸佛無上正等菩提。極難信解。甚難證得。所以者何。諸菩薩摩訶薩。觀一切法。都無自性。皆如虛空。譬如虛空。不作是念。我當信解。疾證無上正等菩提。諸菩薩摩訶薩。亦應如是。不作是念。我當信解。疾證無上正等菩提。何以故。諸法皆空。與虛空等。諸菩薩摩訶薩。要能信解。諸法皆空。與虛空等。無倒而證。乃得無上正等菩提。若菩薩摩訶薩。信解

諸法與虛空等。便於無上正等菩提。易生信解。易證得者。則不應有毘伽沙等菩薩摩訶薩。擐大功德鎧。發趣無上正等菩提。於其中間而有退屈。故知無上正等菩提。極難信解。甚難證得。時具壽善現。謂舍利子言。舍利子。於意云何。色於佛無上正等菩提。有退屈。不。舍利子言。不也。善現。舍利子。於意云何。受想行識。於佛無上正等菩提。有退屈。不。舍利子言。不也。善現。舍利子。於意云何。乃至一切智。於佛無上正等菩提。有退屈。不。舍利子言。不也。善現。舍利子。於意云何。道相智。一切相智。於佛無上正等菩提。有退屈。不。舍

利子言。不也。善現。舍利子。於意云何。色真如。於佛無上正等菩提。有退屈不。舍利子言。不也。善現。舍利子。於意云何。受想行識真如。於佛無上正等菩提。有退屈不。舍利子言。不也。善現。舍利子。於意云何。乃至一切智真如。於佛無上正等菩提。有退屈不。舍利子言。不也。善現。舍利子。於意云何。道相智。一切相智真如。於佛無上正等菩提。有退屈不。舍利子言。不也。善現。舍利子。於意云何。離色有法。於佛無上正等菩提。有退屈不。舍利子言。不也。善現。舍利子。於意云何。離受想行識有法。於佛無上正等菩提。有退屈不。舍利子。

言。不也。善現。舍利子。於意云何。乃至離一切智。有法。  
於佛無上正等菩提。有退屈不。舍利子。言。不也。善現。  
舍利子。於意云何。離道相智。一切相智。有法。於佛無  
上正等菩提。有退屈不。舍利子。言。不也。善現。舍利子。  
於意云何。離色真如有法。於佛無上正等菩提。有退  
屈不。舍利子。言。不也。善現。舍利子。於意云何。離受想  
行識。真如有法。於佛無上正等菩提。有退屈不。舍利  
子。言。不也。善現。舍利子。於意云何。乃至離一切智。真  
如有法。於佛無上正等菩提。有退屈不。舍利子。言。不  
也。善現。舍利子。於意云何。離道相智。一切相智。真如

有法。於佛無上正等菩提。有退屈不。舍利子言。不也。善現。舍利子。於意云何。諸法真如。於佛無上正等菩提。有退屈不。舍利子言。不也。善現。舍利子。於意云何。諸法法界。法性。不虛妄性。不變異性。平等性。離生性。法定。法住。實際。虛空界。不思議界。於佛無上正等菩提。有退屈不。舍利子言。不也。善現。舍利子。於意云何。離諸法真如。有法。於佛無上正等菩提。有退屈不。舍利子言。不也。善現。舍利子。於意云何。離諸法法界。法性。不虛妄性。不變異性。平等性。離生性。法定。法住。實際。虛空界。不思議界。有法。於佛無上正等菩提。有退

屈不。舍利子言。不也。善現。爾時具壽善現。白舍利子。言。若一切法都無所有。皆不可得。說何等法。可於無上正等菩提。而有退屈。時舍利子語善現言。如仁者所說。無生法忍中。都無有法。亦無菩薩。可於無上正等菩提說。有退屈。若爾。何故佛說三種住菩薩乘。補特伽羅。但應說一。又如仁說。應無三乘。菩薩差別。唯應有一正等覺乘。時滿慈子白舍利子言。應問尊者善現。爲許。有一菩薩乘。不然後可難。應無三乘。建立差別。唯應有一正等覺乘。時舍利子問善現言。爲許。有一菩薩乘。不時具壽善現。謂舍利子言。舍利子。於

意云何。一切法真如中爲有三種住菩薩乘補特伽羅差別相不。謂有退住聲聞乘者或有退住獨覺乘者或有證得無上乘者。舍利子言。不也。善現。舍利子於意云何。一切法真如中爲有三乘菩薩異不。舍利子言。不也。善現。舍利子於意云何。一切法真如中爲實有一定無退屈菩薩乘不。舍利子言。不也。善現。舍利子於意云何。一切法真如中爲實有一正等覺乘諸菩薩不。舍利子言。不也。善現。舍利子於意云何。諸法真如。有一。有二。有三。相不。舍利子言。不也。善現。舍利子於意云何。一切法真如中爲有一法。或一菩薩。

而可得不。舍利子言。不也。善現時。具壽善現謂舍利子言。若一切法都無所有。皆不可得。云何舍利子可作是念言。如是菩薩於佛無上正等菩提。定有退屈。如是菩薩於佛無上正等菩提。定無退屈。如是菩薩於佛無上正等菩提。說不決定。如是菩薩是聲聞乘。如是菩薩是獨覺乘。如是菩薩是正等覺乘。如是爲三。如是爲一。舍利子。若菩薩摩訶薩於一切法都無所得。於一切法真如亦能善信解。都無所得。於諸菩薩亦無所得。於佛無上正等菩提亦無所得。當知是爲眞菩薩摩訶薩。舍利子。若菩薩摩訶薩聞說如是。

諸法真如不可得相。其心不驚。不恐不怖。不疑不悔。  
不退不沒。是菩薩摩訶薩。速證無上正等菩提。於其中閒定無退屈。

大般若波羅蜜多經卷第四百四十七

音釋

踰繕那梵語也亦名由旬此云限量如此方一驛地或四十里六十里八十里也踰音踰繕那時戰音試可亥切切翅翼也鎧甲也